



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Hermannii Conringii De Pace Civili Inter Imperii Ordines  
Religione Dissidentes Perpetuo Conservanda Libri Duo**

**Conring, Hermann**

**Francofurti ; Lipsiae ; Wittebergae, 1680**

§. I. Explicatur cooperatio indirecta.

**urn:nbn:de:hbz:466:1-9585**

Hæc singillatim demonstremus.

### RATIO I.

*PAX ejusmodi hæresi tum directe tum indirecte cooperatur.*

Utramque cooperationem descripsimus sect. 3. n. 1. & 3. Cum vero directa ex indirecta clarius elucescat, hanc illi præmittimus.

#### § I.

*Explicatur cooperatio indirecta.*

Ea PAX indirecte cooperatur hæresi quæ sancit illius tolerantiam, exclusis circumstantiis excusantibus, sive eo etiam casu, quo tolli posset ac deberet. Id agit PAX, quam desiderant Protestantes, indirecte ergo hæresi cooperatur. Propositiō patet ex indirecte cooperationis natura se&. 3. §. 1 tradita. Assumptionem probamus:

I. PAX Religionis, quam stabiliri & ampliari volunt Protestantes, est perpetua juxta art. 12. Extenditur ergo in eum quoque casum, quo hæresis tolerati non posset nec deberet, sublatis videlicet causis excusantibus, que sunt majoris boni obtentio aut majoris mali depulsio. Ejusmodi enim circumstantias esse mutabiles tum natura hæresium, quæ ætatem perpetuam non ferunt, tum mutabilis rerum humanarum conditio convincit.

II. Eadem PAX est *absoluta & inconditionata* juxta cit. art. 12; excludit ergo causas excusantes. Absoluta enim & inconditionata non foret, si à circumstantiis urgentis necessitatis deppenderet. His autem sublatis, imminentia v. gr. hæreticorum multitudine aut potentia, Princeps jure divino tenetur scelerare & vel maxime hæresin, eorum gravissime punire & extirpare. Quod cum non facit, aut se non facturum promittit, indirecte cooperationis manifeste reus est.

Neque obstat, quod PAX Religionis videatur initio solum  
con.



conclusa usque ad amicabilem Religionis compositionem. Nam primo etsi Catholici hac conditione adjecta conscientiae suæ consultum cupiebant tamen Protestantes paulo antequam PAX Religionis concluderetur, die 7. Septembris, Anno 1555 clausulam *absolutę & inconditionatę perpetuitatis* à FERDINANDO I extorserunt: Pacem alioqui temporariam & instabilem fore causantes, ut constat ex actis publicis apud Lehmannum. Cum eadem perpetuitatis clausula, PAX Religionis confirmata fuit in Comitiis Anno 1557 Rarisbonæ, Anno 1559 Augustæ sub eodem FERDINANDO I, & postremo iterum Augustæ Anno 1566 sub MAXIMILIANO II.

Deinde etsi conditio compositionis amicabilis, si eam non sequi contingat, per clausulam Pacis perpetuę exclusa non fuisset, nihilominus PAX Religionis perpetua foret. *Conditio enim impossibilis habetur pro non adiecta Cap fin. de condit. ap. pos. in despōsi. vel aliis contract.* Non autem magis possiblement aut sperandam esse amicabilem compositionem hæresis cum fide Catholica, quam concordiam ignis & aquæ, lucis & tenebratum, Christi & Belial, experientia à Christo nato docuit Idem Germani experimur Nam cum initio sæquius ejusmodi compositio, in Comitiis maxime, tentata fuit, nunquam tamen successit. Ideoque post annum 1566 Cæsar & Statutus Imperii de ea re velut desperata in Comitiis nunquam amplius deliberarunt, sed tam Catholici quam Protestantes in Pace Religionis tanquam legē fundamentali Imperii acquiescunt.

Denique etsi daremus hanc conditionem simpliciter adiectam & possibilem esse, illicita tamen foret. Facile enim incident tempora, quibus, si remedia mollia nihil proficerent, Cæsar & Catholici absque periculo hæresia vi coercere & tollere possent, ideoque ex officio, quo gladium portant, debent.

Hæc perpetuitas omnes conditiones Paci Religionis inferitas reddit illicitas quatenus Religioni Catholice aduersantur; etsi aliquæ ad tempus pro circumstantiis duraturæ necessitatibus licite

licite initii possent. Transfert enim illas ad permissionem tertii generis sive cooperantem sect. 3. §. 12 & 3. explacatam; quia extendit heres tolerantiam ad eos casus, quibus impediri possit ac deberet. Ex quo capite, qualiscunque PAX jam sancitur, illicita erit; si PAX Religionis in ea confirmetur.

## §. II.

*Explicatur cooperatio directa.*

Direkte cooperari malo, est ea agere, qua suapte natura ad peccatum ordinantur, vel esse partem aut socium peccati sive actionis criminose, ut constat ex sect. 3. §. 3. Utroque modo PAX Religionis & quævis illi similis directæ cooperationis rea esse convincitur. Priori modo præstant hæresi autoritatem juris publici, quod ad eam stabiliendam, augendam, defendendam ordinatur quaduplici ratione.

Nam I. Hæretici jure divino & humano infames vi hujus Pacis inter publicas & fundamentales Imperiileges receptæ obtinente statum illæsæ dignitatis; detrahunt enim hæresi & Apostata siæ omnis infamia sive juris sive facti, art. 5. & 11.

II. Regula annexens jus reformati, alto scilicet Imperio ex se ordinatur ad hæresin augendam, imo in totum Imperium introducendam, si plures potentioresq; Principes & Status à fidem deficiant, aut protestantes hæreditate vel alio juris titulo Catholicas ditiones suas faciant. Hanc regulam deduci ex art. I & II. Pacis Religionis diximus sect. 1. §. 3. Quam confirmat perpetua praxis, & autoritas FERDINANDI II. Is enim in pace Pragensi Electori Saxonie petenti libertatem Religionis pro Provinciis Austriacis, dictam regulam opposuit & firmavit assenserens, quod aliis statibus concessum sit (ut jus Religionis sublimi Imperio seu juris dictioni territoriali coharet) id Casari illicitum & veritum esse non debere.

III. Isdem in Tribunal Cæsareo conceditur jus & actio ad spolia Catholicis ante Tractatum Passaviensem ereptar rendenda & vindicanda: itidem ad Confessionem Augustanam in